

დარებით მცირე ინვესტიციებს, ვიდრე ვენჩურული კაპიტალი და ავსებენ იმ ფინანსურ ნაპრალს, რომელიც რჩება ვენჩურული კაპიტალისტების ყურადღების მიღმა. ბიზნეს-ანგელოზები ინვესტირებას ახორციელებენ მცირე და განვითარების საწყის სტადიაზე მყოფ ფირმებში. ასეთ ინვესტორებს განსაკუთრებით იზიდავთ ტექნოლოგიების სფეროში დასაქმებული მცირე ზომის ფირმები. მათ ყოველთვის სურთ თავიანთი წვლილი შეიტანონ კომპანიის მართვაში და აქტიურად იყვნენ ჩართულნი სტრატეგიული გადაწყვეტილებების მიღებაში. ინვესტირების განხორციელების შემდეგ „ბიზნესანგელოზები“ ხდებიან ინვესტიციების მიმღები ფირმის მნიშვნელოვანი წილის მფლობელები. საქართველოში 2009 წლის მდგომარეობით, იმ ინვესტორების რიცხვი, რომლებიც საკუთარ თავს „ბიზნესანგელოზის“ პოზიციაზე განიხილავენ, ძალზე მცირეა - დაახლოებით 50-60. თანხა, რომელსაც ქართველი „ბიზნესანგელოზები“ პერსპექტიულ პროექტებში აბანდებენ, საშუალოდ 50 000 ლარს შეადგენს. მოგება კი, რომელსაც ისინი ინვესტიციებიდან ელოდებიან, საშუალოდ 30%.¹

ზემოაღნიშნულიდან გამომდინარე, შეიძლება დავასკვნათ, რომ არაფორმალური კერძო კაპიტალის ორგანიზებული ბაზრის არსებობა ტრანსფორმირებადი ეკონომიკის, განსაკუთრებით პოსტსაბჭოურ ქვეყნებში, მათ შორის, ჩვენი აზრით, საქართველოშიც, აუცილებელია ბიზნესის განვითარების, სამუშაო ადგილების შექმნის, სიღარიბის დაძლევის და მაშასადამე, ცხოვრების დონის ამაღლებისათვის. ვფიქრობთ, ამ მიმართულებითაც საქართველომ უნდა დაიმკვიდროს მონიწივე ადგილი მსოფლიო ბაზარზე.

1 <http://www.commersant.ge/npopup.php?nid=8127>



ევროკავშირთან ასოცირების ხელშეკრულების ხელმოწერის უაღრესად საქართველოს ეკონომიკის განვითარების უსაქაჟებლობა

მაია ბენია

სტუ დოქტორანტი

ევროკავშირის დღევანდელი ურთიერთობა საქართველოსთან მიმდინარეობს აღმოსავლეთ პარტნიორობის – სომხეთი, აზერბაიჯანი, ბელორუსი, საქართველო, მოლდოვა და უკრაინა – ფარგლებში. მისი მიზანია, ხელი შეუწყოს რეფორმის პროცესს აღმოსავლეთ ევროპის ქვეყნებში მათი ევროკავშირთან პოლიტიკური კავშირებისა და ეკონომიკური ინტეგრაციის დაჩქარების მიზნით. პარტნიორობის საფუძველი საერთაშორისო კანონმდებლობის პრინციპებისა და ძირითადი თავისუფლებების, მათ შორის, დემოკრატიისა და სამართლის ნორმების პრინციპების დაცვა და ადამიანის უფლებებისა და ძირითადი თავისუფლებების პატივისცემაა, ასევე, საბაზრო ეკონომიკისა და მდგრადი განვითარების ხელშეწყობა და კარგი მმართველობა.

ევროკავშირს აქვს ე.წ. სტაბილიზაციის და ასოცირების შეთანხმებები მაკედონიასთან, ალბანეთთან, მონტენეგროსთან, ბოსნია და ჰერცეგოვინასთან, გაფორმებულია ევრო-ხმელთაშუაზღვისპირეთის შეთანხმებები ტუნისთან, ისრაელთან, მაროკოსთან, პალესტინასთან, იორდანიათთან, ეგვიპტესთან, ალჟირთან და ა.შ. ეს შეთანხმებები ევროკავშირის ამ ქვეყნებთან ურთიერთობის სამართლებრივი საფუძველია.

2013 წლის 29 ნოემბერს ვილნიუსის სამიტზე მოხდა საქართველოსა და ევროკავშირის შორის ასოცირების ხელშეკრულების

პარაფირება. ასოცირების შესახებ შეთანხმების მიზანი აღმოსავლეთ პარტნიორობის წევრი ქვეყნების ევროკავშირთან მეტად დაახლოებაა. მოლდავეთსა და საქართველოს დამატებითი სირთულე შეუქმნა შესაფერისი ფორმულირების მოძებნამ საიმისოდ, რომ ხელშეკრულების ამოქმედება სეპარატისტულ რეგიონებშიც ყოფილიყო გათვალისწინებული - მოლდავეთის შემთხვევაში დნესტრისპირეთში, საქართველოს შემთხვევაში კი აფხაზეთსა და სამხრეთ ოსეთში. ასოცირების ხელშეკრულების სავაჭრო კომპონენტი სამივე სეპარატისტულ რეგიონს შეიძლება შეეხოს იმ პირობით, თუ ადგილობრივი კომპანიები ევროპული სტანდარტების თანახმად იმუშავებენ.

რაც შეეხება ასოცირების ხელშეკრულების მიმართებას ევროკავშირში განწევრიანების პერსპექტივასთან, პირველ რიგში უნდა გვახსოვდეს, რომ აღმოსავლელი პარტნიორობისთვის შეთავაზებული ასოცირების ხელშეკრულებები არ მოიცავს ევროკავშირის წევრობისკენ გზას, თუმცა ამას არც გამორიცხავს. ამდენად, ხელშეკრულების ეს ვარიანტი არ არის ისეთი მიმზიდველი, როგორც თავის დროზე იყო დასავლეთ ბალკანეთის ქვეყნებისთვის შეთავაზებული ხელშეკრულებები, რომლებიც ითვალისწინებდა ევროკავშირის წევრობისკენ გზას. თუმცა შეთანხმება, რომელსაც აღმოსავლეთის პარტნიორობის ქვეყნებს სთავაზობენ, მოიცავს ბევრად მეტს, ვიდრე, მაგალითად, ტუნისისა და მაროკოსთვის შეთავაზებული დოკუმენტები, რომლებიც გამოიცხადდა საბოლოო განწევრიანების პერსპექტივას. პრემიერ-მინისტრის ირაკლი ლარიბაშვილის განცხადებით, რუსეთის მხრიდან მზარდი ზეწოლის ფონზე, განსაკუთრებით მნიშვნელოვანია ევროკავშირის როლი საქართველოში მშვიდობისა და სტაბილურობის ხელშეწყობისათვის.

2013 წლის 22 ივლისს დასრულდა მოლაპარაკებები საქართველოსა და ევროკავშირის შორის ღრმა და ყოვლისმომცველი თავისუფალი ვაჭრობის შეთანხმებაზე, რომელიც, თავის მხრივ, ასოცირების შეთანხმების ნაწილია. ამ შეთანხმებით, მისი ძალაში შესვლის შემდეგ, საქართველო მიიღებს შესაძლებლობას

თავისუფალი ვაჭრობის რეჟიმში მოახდინოს როგორც საქონლის, ასევე, რაც ძალზე მნიშვნელოვანია, მომსახურებების ექსპორტი ევროკავშირში. საქართველო ვალდებულია იღებს, დანერგოს ევროკავშირის კანონმდებლობის ის ელემენტები, რომლებიც ეხება ვაჭრობას, მომხმარებლის დაცვას და გარემოსდაცვით რეგულაციებს. ქვეყნებს, რომლებიც ღრმა და ყოვლისმომცველი ვაჭრობის შეთანხმებას მოაწერენ ხელს, ათი წლის განმავლობაში ევროკავშირის 350-მდე კანონის მიღება ან ჰარმონიზაცია მოუწევთ.

ამასთან, ამ შეთანხმების ხელმომწერ ქვეყნებს გზა გაეხსნებათ ევროკავშირის 500 მილიონი მომხმარებლისა და ბაზრისკენ, რომლის მთლიანი შიდა პროდუქტი 12.9 ტრილიონ ევროს უტოლდება.

გასათვალისწინებელია, რომ ევროკავშირი საქართველოს ერთ-ერთი უმსხვილესი სავაჭრო პარტნიორია. საქართველოს სავაჭრო ბრუნვა ევროკავშირთან საშუალოდ 2.8 მილიარდ აშშ დოლარს აღწევს და მას მთლიანი სავაჭრო ბრუნვის 27% უკავია. ყოველწლიური ექსპორტი 400 მლნ. აშშ დოლარს აღემატება და საქართველოს მთლიანი ექსპორტის 15-16% შეადგენს. საშუალოდ ყოველწლიურად იმპორტი 2.4 მილიარდ აშშ დოლარს აღემატება და მთლიანი იმპორტის 29-31% უკავია.

საქართველოს ძირითად საექსპორტო ჯგუფებს ევროკავშირის ქვეყნებში შეადგენს: ღვინო, მინერალური წყლები, სპირტიანი სასმელები, ხილისა და ბოსტნეულის წვენები, უალკოჰოლო სასმელები, თხილი და კაკალი, ცხოველური ტყავები, მინერალური სასუქები, სპილენძის მადნები და კონცენტრატები, შავი ლითონის და სპილენძის ჯართი და ნარჩენები, მანგანუმის ოქსიდები. ამიტომაც, წვდომა ევროკავშირის, მსოფლიოში ერთ-ერთ უმსხვილეს და მდიდარ ბაზარზე არის მძლავრი იმპულსი ქართული ბიზნესისა და ექსპორტის განვითარებისათვის. ეს შეთანხმება ასევე მნიშვნელოვნად ზრდის საქართველოს მიმზიდველობას პირდაპირი უცხოური ინვესტიციებისათვის.

დამოუკიდებელი კვლევების მიხედვით ღრმა და თავისუფალი

სავაჭრო სივრცის შესახებ შეთანხმების ძალაში შესვლის შედეგად საქართველოდან ევროკავშირში ექსპორტი 12%-ით, ხოლო იმპორტი 7.5%-ით გაიზრდება. მოსალოდნელია მშპ-ს ზრდა 4.3%-ით. ბუნებრივია, ეს გრძელვადიანი პროცესია და ბევრ სფეროში რეფორმების განხორციელებას მოითხოვს.

შეთანხმების ეკონომიკურ ნაწილში საუბარია იმაზე, რომ ევროკავშირმა და საქართველომ ხელი უნდა შეუწყონ ეკონომიკური რეფორმების განხორციელებას, თავიანთი ეკონომიკების დადებითი მხარეების უკეთ გათვითცნობიერებით და ახალი ეკონომიკური პოლიტიკის დანერგვით. „საქართველომ უნდა იზრდოს ფუნქციონირებადი საბაზრო ეკონომიკის ჩამოსაყალიბებლად და თანდათანობით დაუახლოვოს მისი ეკონომიკური და ფინანსური რეგულაციები ევროკავშირის სტანდარტებს.

მხარეებმა ხელი უნდა შეუწყონ რეგულარულ ეკონომიკურ დიალოგს, რომელიც მიმართული იქნება მაკროეკონომიკური პოლიტიკისა და ტენდენციების შესახებ ინფორმაციის გაცვლისკენ, რაც მოიცავს როგორც სტრუქტურულ რეფორმებს, ასევე ეკონომიკურ განვითარებას. მნიშვნელოვანია გამოცდილებისა და პრაქტიკის გაცვლა ისეთ სფეროებში, როგორიცაა ფინანსები, მონეტარული და სავალუტო პოლიტიკა.

აუცილებელია ინფორმაციისა და გამოცდილების გაზიარება რეგიონული ინტეგრაციის მიმართულებით, ორმხრივი თანამშრომლობის განხილვა ეკონომიკის, ფინანსურ და სტატისტიკურ სფეროებში. რაც შეეხება ფინანსურ მხარდაჭერას, ხელშეკრულებაში ნათქვამია, რომ საქართველოს შეუძლია ისარგებლოს ევროკავშირის შესაბამისი დაფინანსების მექანიზმებითა და ინსტრუმენტებით. საქართველოს ასევე შეუძლია სარგებელი მიიღოს ევროპის საინვესტიციო ბანკისგან, ევროპის რეკონსტრუქციისა და განვითარების ბანკისგან და სხვა საერთაშორისო ფინანსური ორგანიზაციებისგან. ფინანსური მხარდაჭერა მნიშვნელოვან წვლილს შეიტანს იმ მიზნების მიღწევაში, რასაც შეთანხმება ითვალისწინებს.

უნდა აღინიშნოს, რომ ასოცირების ხელშეკრულებას ექსპერტ-

თანაწილი უარყოფით ჭრილში განიხილავს, თუმცა ევროკომისარმა შტეფან ფულემ უსაფუძვლო უნოდა გავრცელებულ ინფორმაციას, რომლის თანახმადაც ასოცირების ხელშეკრულების გაფორმება გამოიწვევს საქართველოს ბაზარზე ევროკავშირიდან ჭარბი იმპორტის შემოდინებას. მისი განცხადებით, შიშები, რომ ასოცირების ხელშეკრულება გაანადგურებს ქართული ეკონომიკის მთელ რიგ სექტორებს, უსაფუძვლოა, პირიქით, ქართულ ეკონომიკას საშუალება მიეცემა ევროკავშირის დაენიოს კონკურენტუნარიანობის თვალსაზრისით და სარგებელი ნახოს მსოფლიოს ყველაზე დიდ ბაზარზე გასვლით. ამასთანავე, ქართული კანონები, ევროკავშირის კანონმდებლობასთან შესაბამისობაში მოსვლის შემდეგ, მცირე და საშუალო მწარმოებლებს ევროპის დიდ ბაზარზე კონკურენციის განევაში დაეხმარება. ასოცირების ხელშეკრულების ხელმოწერა, აგრეთვე ღრმა და ყოვლისმომცველი თავისუფალი ვაჭრობის შეთანხმება ხელს შეუწყობს ქვეყნის, საზოგადოებისა და ეკონომიკის მოდერნიზებას, გააძლიერებს კანონის უზენაესობას და მოახდენს დემოკრატიული ინსტიტუტების კონსოლიდირებას, მოიზიდავს ინვესტიციებს, შექმნის სამუშაო ადგილებს და მისი ზრდის სტიმულირებას მოახდენს. მშპ, ვაჭრობის მოცულობა და რეალური ხელფასები გაიზრდება. მომხმარებლისთვის ის ცხოვრების დონეს გააუმჯობესებს, შექმნის საქონლის მრავალფეროვნებას, კონკურენტუნარიან ფასებსა და უკეთეს ხარისხს, ასევე ჯანდაცვის მაღალ სტანდარტებსა და ეკოლოგიურ უსაფრთხოებას ეკონომიკის, ბიზნესისა და დასაქმებულთათვის.

რეფორმები საქართველოს მიამსგავსებს ევროკავშირის წევრ ქვეყნებს ეკონომიკური, სოციალური და პოლიტიკური თვალსაზრისითაც. ის ქართულ საზოგადოებაში მოიტანს ევროპულ მთავარ ფასეულობებს - ურთიერთპატივისცემას, ტოლერანტობას და კანონის უზენაესობას. დაამკვიდრებს პროგნოზირებულობასა და თანმიმდევრობას საზოგადოებრივ ცხოვრებაში და არა მარტო წესებსა და რეგულაციებში, რომელიც მართავს ეკონომიკურ აქტივობას. ეს არის საქართველოს მომავლისთვის ინვესტირება.